

賈太傅文

一
函
一
冊
函

賈太傅文目錄

新建夏獻雲校刊

惜誓 朱子集註

弔屈原賦 朱子集註

服賦 朱子集註

旱雲賦

虞賦

同前

論政事疏

論積貯疏

上都輪疏

諫鑄錢疏

請封建子弟疏

諫立淮南諸子疏

過秦論上

過秦論中

過秦論下

賈太尉文目類

孫叔賈鳳雲文目

賈太傅文

新建夏獻雲校刊

惜誓

朱子集註

惜誓者漢梁太傅賈誼之所作也誼洛陽人漢文帝聞其名召爲博士超遷至大中大夫納用其言議以任公卿之位絳灌之屬毀誼年少初學顓欲擅權紛亂諸事於是天子亦疏之以誼爲長沙王太傅三年復召以爲梁太傅數問以得失多欲有所匡建數年梁王騎墮馬死誼自傷爲傅無狀哭泣歲餘亦死死時年三十三矣

史漢於誼傳獨載弔屈原服烏二賦而無此篇
故王逸雖謂或云誼作而疑不能明獨洪興祖
以爲其間數語與弔屈原賦詞指略同意爲誼
作亡疑者今玩其辭實亦瓌異奇瑋計非誼莫
能及故特据洪說而并錄傳中二賦以備一家
之言云

惜余年老而日衰兮歲忽忽而不反登蒼天而高舉
兮歷眾山而日遠

設言高舉經歷眾山去日遠也

觀江河之紆曲兮離四海之靄濡攀北極而一息兮

吸沆瀣以充虛飛朱鳥使先驅兮駕太一之象輿蒼
龍蚺虬於左驂兮白虎騁而爲右駢建日月以爲蓋
兮載玉女於後車馳驚於杳冥之中兮休息虜崑崙
之墟

以一作巳蚺於糾反虬渠糾反駢叶芳無反虜一
作乎墟邱於反

晉志云北極五星天運無窮三光迭耀而極星不
移故曰居其所而眾星共之淮南云左青龍右白
虎前朱雀後玄武註云角亢爲青龍參井爲白虎
星張爲朱雀斗牛爲玄武沈存中云朱雀莫知何

物但謂鳥而朱者羽族赤而翔上集必附木此火
之象也或云鳥卽鳳也然天文家朱鳥乃取象於
鶉南方七宿曰鶉首鶉火鶉尾是也蓋鶉無尾故
以翼爲尾云象輿以象齒飾輿也玉女青要乘弋
等也墟大邱也

樂窮極而不厭兮願從容庠神明涉丹水而駢騁兮
右大夏之遺風黃鵠之一舉兮知山川之紆曲再舉
兮睹天地之圜方臨中國之眾人兮託回飈乎尙羊
乃至少原之壑兮赤松王喬皆在旁二子擁瑟而調
均兮余因稱乎清商澹然而自樂兮吸眾氣而翱翔

念我長生而久僊兮不如反余之故鄉

虩一作乎明叶謨郎反駝一作馳風叶孚光反黃
一作鴻一或作壹睹一作覩一作知飈音標一作
風一作颿尙音常壑一作野喬一作僑澹一作淡
願從容乎神明願與神明俱遊戲也丹水猶赤水
也大夏外國名也在西南黃鵠一飛則見山水之
屈曲再舉則知天地之圓方居身益高所睹愈遠
也少原之壑仙人所居均亦調也國語云律者所
以立均出度也清商歌曲名五音各有清濁濁者
本聲清者半聲也又言雖得長生久仙猶思楚國

念故鄉忠信之至恩義之篤也

黃鵠後時而寄處兮鴟梟羣而制之神龍失水而陸
居兮爲螻蟻之所裁夫黃鵠神龍猶如此兮況賢者
之逢亂世哉

黃一作鴻鴟稱脂反梟堅堯反螻音婁蟻一作螳
裁叶卽詞反哉叶卽思反

鴟鵂怪鳥梟不孝鳥螻蟻蛄也蟻蚍蜉也裁制也
壽冉冉而曰衰兮固儻回而不息俗流從而不止兮
眾枉聚而矯直

固一作國儻一作邈

矯揉也枉者自以爲直又羣衆而聚合則其黨盛
欲採直以爲枉也

或儉儉合而苟進兮或隱居而深藏苦稱量之不審兮

同權槩而就衡

量平聲衡叶胡郎反

稱所以知輕重量所以別多少權稱錘也槩平斛
木也衡平也權槩皆所以取平也

或推迤而苟容兮或直言之譎譎傷誠是之不察兮
并紉茅絲以爲索方世俗之幽昏兮眩白黑之美惡
放山淵之龜玉兮相與貴夫礫石梅伯數諫而至醢

兮來革順志而用國悲仁人之盡節兮反爲小人之
所賊

遙一作移謬一作謹紉一作繩而無茅字眩下一
有於字石叶時若反梅音浼醢一作菹一醢上別
有菹字國叶姑霍反賊叶徂各反
謬謬直言貌語曰干人之諾諾不如一士之謬謬
周武謬謬以興殷紂諾諾以亡來惡來也與革皆
紂之佞臣也用國見用於國也
比干忠諫而剖心兮箕子被髮而佯狂水背流而源
竭兮木去根而不長非重軀以慮難兮惜傷身之無

功

剖一作割佯一作詳竭一作渴音同軀一作體功

叶音光

背流而源竭疑當作背源而流竭王逸註云水背其原泉則枯竭似當時本末誤也傷身而無功若比干箕子是也

已矣哉獨不見夫鸞鳳之高翔兮乃集大皇之壑循

四極而回周兮見盛德而後下

一作無夫字大一作太壑一作野回一作徊而回周

一作以周覽

大皇之壘大荒之藪言鸞鳳高飛於大荒之野循
於四極回旋而戲見仁聖之王乃下來集歸於有
德也以言賢者亦宜處山澤之中周流觀望見高
明之君乃當仕也

彼聖人之神德兮遠濁世而自藏使麒麟可得羈而
係兮又何以異庠犬羊

一無得字一係下有之字庠一作夫一作乎

言麒麟仁智之獸遠世避害常藏隱不見有聖德
之君乃肯來出如使可得羈係而畜之則與犬羊
無異不足貴也言賢者亦以不可枉屈爲高如使

逸走亦不足稱也

後去亦不呈辭也

入弔屈原

朱子集註

弔屈原者漢長沙王太傅賈誼之所作也誼以
謫去意不自得及過湘水時屈原沈汨羅已百
餘年矣誼追傷之投書以弔而因以自喻後之
君子蓋亦高其志惜其才而狹其量云

恭承嘉惠兮竢罪長沙
仄聞屈原兮自湛汨羅
造託湘流兮敬弔先生
遭世罔極兮迺隕厥身

仄古側字湛古沈字羅叶盧加反造七到反

極止也詩曰讒人罔極

烏虜哀哉兮逢時不祥
鸞鳳伏竄兮鴟鵂翱翔
闐茸

尊顯兮讒諛得志賢聖逆曳兮方正倒植謂隨夷溷
兮謂跖躋廉莫邪爲鈍兮鈐刀爲銛

鵠史記作梟闢吐盍反茸人勇反植音值跖之石
反躋居略反鈍史作頓銛息廉反

闢茸下材不肖之人也植立也隨卞隨讓天下而
不受夷伯夷讓國而餓死跖盜跖躋莊躋秦楚之
大盜也莫邪寶劍名銛利也

于嗟默默生之亡故兮幹棄周鼎寶康瓠兮騰駕罷
牛驂蹇驢兮驥垂兩耳服鹽車兮章父薦屨漸不可
久兮嗟苦先生獨離此咎兮